



LENDO (CAMILA) ELMEDIN - Dinko

Roden je 16.12.1958.god. u Sarajevu u jednoj prosječnoj radničkoj porodici. Osnovnu školu završio je 1972 god u svom Sarajevu (Hridu) gdje je i živio do kraja svog životnog vijeka. Geodetsku tehničku školu završio je 1981 god nakon čega se odmah zaposlio u Geodetski zavod. Na samom početku u Zavodu je stekao velike simpatije svih radnih kolega posebno omladine svojim odnosom prema poslu, vedrim i veselim duhom, po čemu ga dobro pamtimo.

Radio je na svim poslovima premjera Bosne i Hercegovine a posebno na poslovima uspostave katastra nekretnina gdje je radio sve do početka agresije na RBiH. Posebno se isticao na sportskom polju gdje je učestvovao na svim takmičenjima u fudbalu za ekipu Geodetskog zavoda. Svoju veliku ljubav prema fudbalu upražnjavao je i u slobodno vrijeme u svom gradu putem kojeg je sticao prijateljstva i poznanstva i ostao mnogima u trajnom sjećanju.

U aprilu mjesecu 1992 god uključio se u odbranu svoga grada i Republike. Bio je pripadnik 1.brdske brigade. Pošto je bio aktivan sportaš, velikih fizičkih predispozicija prijavio se u izviđačko diverzantsku četu gdje je bio jedan od najhrabrijih i najboljih boraca. 2.IX.1992 god u jednoj od mnogobrojnih akcija biva pogođen od zločinačke granate, kada se i prekida njegov mladi život.

Iza rahmetili Dinke ostaje supruga Advija, kćerke Lejla i Ilda, roditelji i mnogobrojna rodbina. Smrću našeg dragog Dinke izgubili smo divnog prijatelja i cijenjenog kolegu.

Rado ga se sjećamo i u ime svih onih koji su ga voljeli, cijenili i poznavali neka mu je veliki rahmet i hvala.

*Dervo Subašić*